


大方廣如來不思議境界經
大方廣佛華嚴經不思議佛界分

百十八
伏七

47959



元祿九年丙子二月日重脩

皇圖瓊閣 帝階綴昌

佛日增輝 慧合輪常轉

山城州天安寺法金剛院置



印

此經重譯二卷

不思議境界經

不思議佛境界分

大方廣如來不思議境界經



伏

唐于闐三藏法師實叉難施譯

如是我聞一時佛在摩竭提國善提樹下成

正等覺其善提樹名阿攝波磐根深固

脩直周圓無節如栴檀柱常於其上飛禽迴

翼無能過者皮膚細潤衆色間發猶如羅綺

密葉青翠蔽覆枝布護周帀皆有妙華開敷吐

曜飛芳甚可愛樂除俱鞞羅波利質多餘無

比者復有無量小樹圍遶而此樹王森蔚穎

秀如妙高山俯冠羣岳一由旬外靡不齊觀
香氣周流榮光照曜遠夜望之疑大火聚其
下嚴飾如歡喜園四向夷敞芳草菴茂如孔
雀王頸薨靡芬馥觀者無厭如來於此端嚴
而坐大衆環繞如星中月時有十佛刹微塵
等他方諸佛為欲莊嚴毗盧遮那道場衆故
示菩薩形來在會坐其名曰觀自在菩薩文
殊師利菩薩地藏菩薩虛空藏菩薩金剛藏
菩薩維摩詰菩薩喜光菩薩滅諸蓋菩薩
寶手菩薩大慧菩薩普賢菩薩如是等菩薩
摩訶薩而為上首復有無量千億菩薩現聲
聞形亦來會坐其名曰舍利弗大目犍連須

善提羅睺羅阿若憍陳如摩訶迦葉優波離
阿那律離婆多阿難提婆達多跋難陀等而
爲上首皆已久修六波羅蜜近佛善提爲化
衆生於雜染土現聲聞形復有無量千比丘
尼摩訶波闍波提而爲上首皆已成就大士
夫業爲欲調伏下劣衆生故現女身復有無
量釋梵護世天龍夜叉乾闥婆阿脩羅迦樓
羅緊那羅摩睺羅伽人非人等此中皆是太
菩薩衆無凡夫者

爾時世尊坐善提樹嚴淨微妙壁於質多樹
下置如意珠正念不動如須彌山爲今諸善
醒衆及一切衆生了知諸佛深密禪定威神

力故入於三昧名如來不思議境界即時世
尊三十二相一一相中皆現十方無量佛刹
及彼諸佛猶如明鏡顯現衆色又隨好中二
復現如來徃修菩薩行時從光明王乃至最
後然燈佛所難行苦行悉捨一切頭自身體
皮肉手足妻子僕從及國王位宮殿等事由
伏方廣如來經是三昧有大勢力一切諸佛食時行時說法
時涅槃時常入此定何以故一切如來依此
三昧成就無量大神力乃至證入一切法
空能於十方一切佛刹示現種種自在事故
譬如有入夢見種種變異等事及其覺已所
見皆無凡夫亦亦無明夢故妄於諸法生實

體想諸佛覺已皆無所著故能十方一切世
界一念示現無量佛事自在無礙利益成就
一切眾生皆令悟入無量深妙解脫門故
尔時德藏菩薩修善提行未成滿故問普賢
菩薩摩訶薩言如來今者所入三昧其名云
何復云何得云何十方一切世界自在示現
種種佛事度脫眾生尔時普賢菩薩告德藏
菩薩言諦聽諦聽當為汝說時者菩薩一心
瞻仰同聲歎言善哉所問甚深微妙尊者普
賢一切知見今當演說即時大地六種震動
天雨妙華一切眾生煩惱眾苦皆少休息普
賢菩薩言佛子此三昧名如來不思議境界

即是一切諸佛善提以諸如來常依住故世
尊始從然燈佛所得受記已即入此定常無
功用自然應現無量佛事謂於虛空一毛端
處有一切佛刹微塵等諸佛世界於中或現
生兜率天或從彼没下生入胎或現遍生遊
行七步自言我今即為生死邊際或現在宮
出家苦行或現降魔成等正覺轉妙法輪或
現住世經無量劫度諸衆生皆令離苦或復
示現入於涅槃或一切劫為一刹那或一刹
那為一切劫劫與刹那無增無減乃至一切
衆生未盡解脫刹那刹那一時普於此諸世
界常作如是種種佛事未曾休息而無功用

如彼虛空一毛端處無量剎。念念普現諸
佛種種威儀法則而無功用乃至遍空毛端
量處亦復如是又是諸剎一切微塵一一塵
中復有過一切佛剎微塵等土亦一剎那一
一土中自然普現一切諸佛威儀所行或生
天宮乃至滅度解脫無量阿僧祇衆生如是
伏三方廣如來經
念念窮未來際常作佛事利益衆生乃至虛
空衆生界盡常不休息而佛剎不滅微塵不
增何以故以一切法猶如幻焰不堅牢故譬
如此會十佛世界微塵數等大菩薩衆皆共
住此摩竭提國十二由旬不相障礙彼一一
塵各受無數諸佛世界或仰或覆或相向背

或復傍住或相涉入而無障礙亦復如是如
人夢中見於一處有種種事以非實故而無
所礙是一切剎靡不唯其心之所現或見劫
燒或已燒盡或風所成或淨或穢或復無佛
皆由衆生隨自心業見如是等種種不同譬
如餓鬼飢渴所逼詣恒河所或有見水或有
見灰膿血便痢不淨充滿衆生亦各各隨
業見其佛土或淨或穢或佛在卍或入涅槃
或處道場為衆說法或有聞說第一義諦或
復聞說讚歎施法或見行住或見坐食或見
身長卍人一倍乃至七倍或一由旬或百由
旬或千由旬或見威光如日初出或如滿月

或由業障值佛世尊久已滅度或有不聞諸
佛名字如彼餓鬼於恒河中都不見水但見
種種雜穢之物或見諸佛各從本土示現威
德大菩薩形來入此會或一剎中衆生唯見
劫火所燒或一剎中衆生充滿咸共見佛或
見如來攝一切剎入一佛剎以一佛剎入一
切剎如衆醫者同於一處見各差別互不相
礙皆由眼翳不見正色衆生亦介色性無礙
心緣異故蔽於正見不了真實佛子今更爲
汝略說住此三昧之法如佛世尊住此三昧
於一念中遍虛空界毛端量處無量佛土及
彼佛土一一塵中各有法界微塵等剎爲欲

利益諸衆生故刹那刹那遍一一刹現十佛
刹微塵等諸佛方便威儀所行如是乃至一
切衆生未盡證得無上菩提常無斷絕如此
一佛第二第三乃至十方一切諸佛一一所
現大威德力亦復如是時德藏菩薩聞是說
已即於座上得此三昧即時見彼無量諸佛
伏及知諸佛威德方便以三昧力亦能如是調
伏衆生百恒河沙諸菩薩衆各別證得種種
三昧忍及諸地觀自在等諸大菩薩住十地
者功德妙行悉圓滿故皆已久遠得此三昧
一刹那中攝無量劫一微塵中納無量土於
一念中遍一切刹度無量衆生常無功用自

然示現諸佛事故雖聞此法更無所進如滿
瓶水置於雨中不容一滲斯諸菩薩亦復如
是亦時世尊在三昧中放眉間光名大顯發
所有一切有功用行未證十地諸菩薩等遇
斯光已悉見空中諸毛端剋及微塵中無量
佛刹如瑠璃瓶盛白芥子觀者悉見彼諸菩
薩見微塵中一切佛刹亦復如是及見彼刹
一切諸佛於一一佛身見一切佛身一一諸
佛有無量名皆為利益一一眾生念念常於
一一佛刹自然應現成阿耨多羅三藐三菩
提譬於高幢置如意珠自然普雨種種珍寶
隨眾生意悉令滿足如來亦亦現正等覺自

然度脫無量衆生是諸刹中衆生各異而不
相礙如神力者遊行虛空山河石壁無所罣
礙何以故一切諸趣皆如幻焰無堅實故諸
菩薩衆既覩是已各見其身遍一切刹於一
念中一一佛前或經一劫二劫三劫或百千
劫或一念頃或一須臾恭敬供養或聞佛說
諸波羅蜜陀羅尼門或說諸地或現神變以
一切劫入一念中生甚奇特難遭之想作是
念言云何世尊威德自在於一刹那令我具
足無量劫中善根福德速證如來不思議境
界三昧大威神力

尔時德藏菩薩為欲利益諸衆生故復聞普

賢菩薩言其有欲證此三昧者修何福德施
戒智慧時普賢菩薩遍於十方一切淨刹現成正
覺化衆生者告德藏菩薩言佛子若欲證得
此三昧者先應修福集諸善根謂常供養佛
法僧衆及以父母所有一切貧窮苦惱無救
無歸可悲愍者攝取不捨乃至身肉無所怪
伏方廣如來經
惜何以故供養佛者得大福德速成阿耨多
羅三藐三菩提今諸衆生皆獲安樂供養法
者增長智慧證法自在能正了知諸法實性
供養僧者增長無量福智資糧致成佛道供
養父母和上尊師及世間中曾致饒益賴其
恩者應念倍增報恩供養何以故以知恩者

雖在生死不壞善根不知恩者善根斷滅作
諸惡業故諸如來稱讚知恩毀背恩者又常
愍濟諸苦衆生菩薩由此廣大善根永不退
失若人有能勤修福德常念報恩悲愍衆生
則爲善提已在其手應知佛說能隨供養此
三種田一一成就無量善根德藏當知菩薩
次應植廣大種由是故生此三昧牙成菩提
果云何植種種謂持種種微妙華鬘塗香末香
及衆妓樂恭敬供養現在諸佛或佛形像作
是思惟如上所說遍於虛空毛端量處及微
塵內無量剎中一一所見諸佛威力及菩薩
衆我悉於彼諸佛會中一心正念普皆供養

如所供養一佛法性即是一切諸佛法性若
我供養一如來者即為供養一切如來隨彼
一一諸佛神力能以幾劫入於一念亦介所
劫供養如來若有衆生信解此法種植大種
即能得是如來不思議境界廣大三昧故善
男子應以此法日日供養由是下至於諸佛
所但一敬禮亦能令此種子增長三昧牙生
又應常以布施持戒大願智慧而溉灌之又
復菩薩為灌三昧修行施時不簡福田怨親
善惡持戒破戒富貴貧窮又復思惟施於富
者雖無所用然我自應修習施行菩薩又應
清淨持戒見毀禁者起大悲愍不應於彼生

嫌恚心又應深發大善提願我當決定念念
普於遍滿虛空毛端量處乃至一切佛刹塵
中無量世界成等正覺轉妙法輪度諸衆生
如今世尊毗盧遮那等無有異不起功用攝
無量劫入於一念即於如是一一刹中各現
佛刹微塵等諸佛威儀一一威儀各度恒河
沙等衆生伏方廣如來經今離苦乃至虛空衆生界盡常
無休息佛子修智慧者一心諦聽今爲汝說
若善男子善女人爲求無上善提發心欲證
此三昧者是人要須先修智慧以此三昧由
慧得故修智慧者應當遠離妄語綺語及諸
散亂無益之事於諸衆生雖起大悲而常攝

心不染不散詣精舍中覩佛形像金色莊嚴
或純金成身相具足無量化佛入於三昧在
圓光中次第而坐即於像前頭面禮足作是
思惟我聞十方無量諸佛今現在世所謂一
切義成佛阿彌陀佛寶幢佛阿閼佛毗盧遮
那佛寶月佛寶光佛等於彼諸佛隨心所樂
尊重之處生大淨信想佛形像作彼如來真
實之身恭敬尊重如現前見上下諦觀一心
不亂徃空閑處端坐思惟如佛現前一手量
許心常繫念不令忘失若暫忘失復應徃觀
如是觀時生極尊重恭敬之心如佛真身現
在其前了了明見不復於彼作形像解見已

即應於彼佛所以妙華鬘末香塗香恭敬右
繞種種供養彼應如是一心繫念常如世尊
現其前住然佛上尊一切見者一切聞者一
切智者悉知我心如是審復想見成已還詣
空處繫念在前不令忘失一心勤修滿三七
日若福德者即見如來現在其前其有先世
造惡業障不得見者若能一心精勤不退更
無異想還得速見何以故若有爲求無上善
提於一事中專心修習無不成辦若於所修
數數怯退彼尚不能自得解脫何況度脫諸
苦衆生若遇如是疾得菩提正直之道不能
勤修當知徒是地之重擔譬如有入於大海

中飲一掬水即為已飲閻浮提中一切河水
菩薩如是若能修習此菩提海則為已修一
切三昧諸忍諸地諸陀羅尼是故常應勤修
匪懈離於放逸繫念一心要令自得現前見
佛如是修習初見佛時作是思惟為真佛耶
為形像耶若知所見是真佛者便於佛前兩
膝著地合掌恭敬憶念虛空毛端量處及微
塵中一切諸佛無量威德大慈大悲故來現我
前即應啓請惟願世尊為我演說如來不思
議境界大三昧法若聞如來一切所說應決
定信勿生疑惑即於是處得此三昧若先業
障不能問者則應思惟一切諸法如幻如焰

如翳如影如像如夢如是諦觀法性空寂然
知如來了一切法皆如幻夢如來自性非幻
非夢猶如虛空能以智悲出現我前願為我
放大悲青光滅除衆苦時佛即為放眉間光
名曰青焰其光繞照諸苦銷除即坐證得法
光明忍悉能了達無量三昧第七日夜夢見
如來為授阿耨多羅三藐三菩提記若知所
見是形像者應思諸佛及諸衆生皆亦如像
但隨想見無實體性既知如來如幻如化如
夢如焰如是自然現前見佛亦如夢中無實
可得非生而生非滅而滅非去而去非識而
識非有爲而現諸行非言說而演諸法非我

非壽非衆生非養育非趣生非想非作非知
非食非即蘊非在蘊而示諸蘊乃至界處亦
復如是一切非有亦復非無是故諸佛及一
切法真實平等皆同一相如陽焰等一切衆
生諸佛及土皆唯自心識想所現識想為緣
所生諸色畢竟非有如來已離一切識想是
故不應以色像見知所見像隨想生故乃至
虛空毛端量處一切真佛皆亦如是猶如虛
空平等無異若我分別即見於佛若離分別
即無所見自心作佛離心無佛乃至三世一
切諸佛亦復如是皆無所有唯依自心菩薩
若能了知諸佛及一切法皆唯心量得隨順

忽或入初地捨身速生妙喜世界或生極樂
淨佛土中常見如來親承共養

小時德藏菩薩復白普賢菩薩言若有衆生

聞此法門受持讀誦解說書寫得幾所福普

賢菩薩言佛子諦聽若有人能攝三界中一

切衆生令脫生死得阿羅漢一一羅漢各於

大方廣如來經

百劫以天上妙衣服卧具飲食湯藥種種供

養般涅槃後一一復爲起七寶塔恭敬供養

若復有人一百劫中淨持禁戒或修忍辱精

進禪定是人雖復得無量福不如有人聞此

法門尊重信受不生毀謗其福勝彼速成正

覺是時十方一切刹土無量諸佛皆自現身

讚普賢菩薩言善哉善哉佛子如汝所說時
釋迦牟尼如來從其面門放無量色光遍照
三有雨種種華諸妙音樂不鼓自鳴大地微
動於光明中而說偈言

若聞此法心清淨
戒忍自在神通力
轉未曾有妙法輪
於一念中攝多劫
無量衆生沒三界
邪見纏縛失正道
普賢菩薩於此法門久已證故為衆說時億
千天人度一切苦皆於阿耨多羅三藐三善

得諸地定陀羅尼
速證無上佛菩提
亦如過去大仙等
一塵普現無量刹
諸苦所惱常逼切
念念皆今得解脫

提得不退轉德藏菩薩及餘一切菩薩衆會
世間天龍阿脩羅等皆大歡喜信受奉行
大方廣如來不思議境界經



大方廣佛華嚴經不思議佛境界分

唐于闐三藏法師提曇般若譯

如是我聞一時薄伽梵在摩揭陁國於菩提
樹下得阿耨多羅三藐三菩提成等正覺其
菩提樹根深堅固善植於地如栴檀柱樹身
臍長傍無枝葉堅實圓滿名阿溼波池所有
諸鳥不能飛過皮膚細軟文象如綾無量枝
條妙飾間錯其葉表裏素綠莊嚴葉脉顯現
如紺青色枝葉垂下周匝圓滿其華開敷其

可愛樂光明照耀香氣芬馥其根莖等顯種
種色具足衆德如妙高山其下嚴飾如歡喜
園光明香氣一踰繕那量夜分遠燭如大火
聚其地四面普皆平坦於中有草柔軟滋茂
光色鮮潔如孔雀毛有妙香氣令心悅豫無
量小樹周而圍繞其菩提樹王莊嚴勝妙除
波利遮德迦及毗陀羅樹無以爲喻佛在樹
下大衆圍遶端嚴而住如星中月處淨虛空
時有十佛刹極微等諸佛各各從本國土來
至於此爲欲莊嚴鞞盧遮那爲衆會故示菩
薩形其名曰觀自在菩薩摩訶薩曼殊室利
菩薩地藏菩薩虛空藏菩薩金剛藏菩薩無

此稱菩薩善威德菩薩能棄諸蓋菩薩寶手
菩薩大慧菩薩普賢菩薩摩訶薩等而為上
首如是等衆皆來集會復有無量千俱胝諸
菩薩衆示聲聞形亦皆來集所謂舍利弗多
羅蘇補底沒特伽良演那羅怛羅憍陣那摩
訶迦葉波鄔波離阿泥律陀纈麗縛多阿難
陀提婆達多跋難陀而為上首一切皆是久
習所行六波羅蜜能近菩提為欲利益諸衆
生故於此雜染佛土示聲聞形復有無量千
苾芻尼摩訶鉢刺闍鉢底喬答彌為上首為
欲調伏下劣有情故雖現女身具丈夫業復
有釋梵護世天龍藥叉健達婆阿素羅揭路

荼緊捺洛莫呼洛伽人非人等一切非凡皆
是菩薩悉來集會何以故以彼諸佛有秘密
法威德神通三摩地神變云何菩薩能得了
知乃至諸佛威德神通有無邊方一切法空
諸力得轉有情云何能得了知如人夢中見
種種事若覺悟已即無所見如夢中想如是
如是夢愚癡故法體想起諸佛覺悟無有所
見以諸甚深無障礙品利益有情微細解脫
得成就故而彼菩提樹下薄伽梵端身而住
入三摩地名不思議佛之境界此三摩地極
勝廣大由此三摩地故諸佛出尊恒常入定
說時食時行時乃至般涅槃時如是嚴飾佛

薄伽梵如妙高山王如波利遮德迦樹下安
如意珠而彼清淨三十二丈夫相中一切佛
刹諸薄伽梵如淨圓鏡普皆示現一一隨好
中菩薩本所行皆悉顯現從初光照王因緣
乃至究竟定光如來一一苦行事所謂能捨
頭目手足身分妻妾男女奴婢僮僕作使國
位宮殿等伏境用介分經十時德藏菩薩摩訶薩諸所修行
未成正覺請問普賢菩薩言佛子如來所任
三摩地為是何等三摩地耶佛子云何自然
十方佛刹中度脫有情佛事示現佛子此三
摩地以何為名尊者此三摩地云何證得是
時普賢菩薩告言善男子諦聽我今為汝宣

說斯事於是諸菩薩起尊重心瞻仰尊顏正
念安住同聲說言善哉善哉德藏如汝所問
甚為微妙然彼尊者能知一切今時大地六
種震動所謂動遍動等遍動搖遍搖等遍搖
吼遍吼等遍吼擊遍擊等遍擊旋遍旋等遍
旋開合上下遍開合上下等遍開合上下東
涌西沒乃至中邊亦復如是當此之時一切
衆生所有苦惱暫得休息雨妙天華

今時普賢菩薩告德藏菩薩言佛子此三摩
地是諸佛菩提佛子此三摩地名不思議佛
之境界諸佛世尊常住於此從然燈佛得受
記已即於是時入三摩地從是以來無功用

住於一毛端處有無量佛刹乃至一切佛刹
所有極微等諸佛刹土普皆示現或現生於
覩史多天從彼沒已下生入胎住胎出胎能
行七步而自唱言我應永離生老病死所作
已辦或現處宮或現出家修行苦行成等正
覺降伏衆魔轉於法輪或現住世壽無量劫
度脫衆生所有苦惱乃至示現入般涅槃於
一念中普能示現諸佛刹土如上事業於一
念中攝一切劫無增無減皆無功用乃至一
切有情界未得解脫一一刹那中於一切處
作諸佛事是諸佛刹中毛端際處示現無量
諸佛刹土如是彼佛無邊威儀然此威儀周

遍虛空無有毛端處而無諸佛刹亦無毛端
處而不於中念念示現阿耨多羅三藐三菩
提一切諸佛生現正覺乃至般涅槃於極微
中亦皆普現一切佛刹極微等諸佛刹土復
過是數無量無邊彼彼薄伽梵示現觀史多
天宮諸佛行示現度脫無量衆生佛土不小
極微不大快何以故以一切法不堅牢如幻如竟界分經
陽焰乃至究竟盡虛空界如是無量佛事業
起刹那刹那於有情所常作利益無暫休息
譬如即此大菩薩集會十佛刹土極微等數
量於摩揭陀國十二踰繕那地分中安住展
轉不相障礙如是如是於極微中容受無量

阿僧企耶諸佛刹土有餘佛刹各各相向或有相背或有在傍或有相納如是展轉不相障礙如人夢中於一處所見種種事雖見非真實故不能為礙如是如是此諸佛刹皆惟心量之所變現或有世界見劫火燒或燒已盡或見風起或有清淨或有雜染或現無佛諸刹土中衆生之類隨其自業各見不同如是如是無量變異譬如餓鬼飢渴所逼於死伽河邊或有見水或有見灰或見膿血或見便利不淨充滿如是如是有情於自佛刹土中或見雜染或見清淨或見有佛或見涅槃或見大衆會中說法或有聽聞第一義法或

聞廣說檀波羅蜜或見遊行或有見住或有
見坐或見食時或見二丈夫量或見七丈夫
量或見一踰繕那量或見百踰繕那量或見
千踰繕那量或見光明照耀如日初出或見
如滿月圓朗空中隨其業行種種見異或見
久遠入般涅槃或有不聞諸佛名字譬如餓
鬼於河水邊有見猛火或見異事或見如是
如此大菩薩集會各各於自佛刹上中佛薄
伽梵作菩薩形或見有一佛刹土中劫波火
燒或燒已盡或見於此佛刹土中衆生界滿
佛現饒益有薄伽梵取諸佛刹入一佛土中
今相以示現如患醫者醫因緣故不了衆色

如是如是識因緣故不了衆相於是普賢菩薩告德藏言佛子我今爲汝略說此三摩地法一刹那中於一切處乃至盡虛空及衆生界一毛端分量中無量無邊佛刹於一極微中法界極微等諸佛刹土一一佛刹土甚多威儀路如一刹那中爲利衆生故有十佛刹土極微等數量如是念念中於一切處乃至一切衆生未得阿耨多羅三藐三菩提此饒益事常不斷絕如是威儀第一第二第三第四第五乃至十方所有諸佛無量無邊威德勢力亦復如是尔時德藏菩薩聞說是已於此三摩地藏明了通達入不思議諸佛境界覺悟

一切諸佛世尊神通威力即於是處以諸威
力善巧調伏無量衆生有百苑伽沙諸菩薩
衆於三摩地法種種覺悟或有證忍位或有
證諸地其中觀自在等菩薩摩訶薩譬如瓶
水已滿置於雨中終更不容一滴之水如是
如是任第十地諸菩薩衆所行妙行皆已圓
滿多時於此三摩地中示現佛事於一刹那
能納無量劫於一極微能納無量土即於一
念遍諸佛刹任運度脫無量衆生時薄伽梵
住三摩地放眉間白毫相光名能發起其光
照曜有功用行諸菩薩衆於十地中亦未覺
悟由光觸故能見一切諸佛國土所有住極

微毛端分量無量佛刹即於是時周遍虛
空無量無邊佛刹示現譬如瑠璃瓶滿中盛
芥子如是如是於一極微一分量中見諸佛
土佛薄伽梵於一如來身一切如來色相顯
現一一如來有無量名号於一刹那中一一
佛刹土利益一一有情故自然示現此阿耨
多羅三藐三菩提如如意珠置高幢上隨諸
衆生自然而雨種種珍寶如是如是一切如
來阿羅呵三藐三勃陀無量衆生自然解脫
何以故以一切趣不堅牢如幻如陽焰如是
此諸佛刹土中有情展轉不相障礙如現神
通者山河石壁等終無限礙如是諸菩薩見

彼佛威德自身各各於一切佛刹佛世尊前
於一刹那中一如來所一劫波供養或二
劫或三劫或百劫或千劫或一刹那或一半
呼粟多種種種供養於如來所聞說波羅蜜多
或聞陀羅尼或聞說諸地見諸如來神通變
化以一切劫入一刹那起難遭之想云何如
來有此威德伏境界分經於一念中現無量劫而為我等
生善根故廣演如此諸功德聚無量劫所作
不思議佛境界三摩地覺悟如是威力如是
威德今時德藏菩薩問普賢菩薩言尊者作
何功德證此三摩地耶云何修習般若云何
布施云何持戒是時普賢菩薩告言佛子於

十方處一切清淨圓滿佛刹諸衆生類其中
示現無量佛事諸菩薩等積集種種福德善
根應供養佛供養法供養僧孝養父母常不
斷絕一切貧窮困苦孤獨乞匄菩薩皆應悲
哀攝受乃至自身血肉隨應施與勿生慳恪
何以故以供養佛者其福善多如是有情受
勝妙樂速當證得阿耨多羅三藐三菩提供
養法者生諸善根智慧增長當得覺悟法自
在故於一切法能正了知供養僧者種種善
根而彼無量資糧增盛由此菩薩乃至成佛
所有孝養父母或尊者鄔波陀耶或餘生死
中曾得恩處當思報恩倍令增長何以故以

應如是思惟如先所說於一切處諸佛世尊
毛端分量及極微中無有不見諸佛威德諸
菩薩等大眾集會我於彼所以清淨心平等
憶念而作供養謂一如來法性即是一切如
來法性若我供養一如來即一切如來皆已
供養於無量劫一一如來所供養亦余乃至
多劫入伏一刹那佛神力故深生信解而彼善月堂
產種植種子得成廣大不思議佛之境界三
摩地善男子善女人日日應作如此供養於
一切佛薄伽梵前乃至一合掌亦種種子增
長三摩地牙滋茂廣大應以尸羅智慧妙願
而灌灑之又諸菩薩應如是布施不得揀擇

持戒破戒若愛若憎若貧若富然彼富者雖
無所須能施之者自獲利益應當發起殊勝
誓願我定當作佛度脫一切衆生於一一刹
那一切處毛端分量中一切佛刹我別別當
成就乃至一切佛刹極微等一切極微中亦
所刹土乃至一切佛刹極微於彼彼中轉正
法輪如今世尊鞞盧遮那如來於一刹那中
能納一切劫任運即於一一佛土我當示現
無量威儀如佛刹極微等一切威儀中如是
有情解脫諸苦如苑伽沙乃至盡虛空界及
衆生界又諸菩薩應清淨持戒於破戒有情
起悲救護不應於彼而生厭捨

時普賢菩薩告德藏言佛子如汝所問云何

文音曰般若女應諦聽當爲汝說若有樂求無

時普賢菩薩告德藏言佛子如汝所問云何
修習般若汝應諦聽當為汝說若有樂求無
上菩提欲令證得此三摩地應當遠離虛妄
諸業惡語深意發起淨心慈悲攝受應往精
舍中見甚希奇微妙佛像安住不動以金薄
裹身或純金作諸相具足支節充滿於圓光
中有無量佛妙飾間列結跏趺坐入三摩地
即於像前恭敬禮拜應如是思惟我聞十方
現在所有諸佛世尊無邊無量謂一切義成
如來無量壽如來寶幢如來阿閼鞞如來鞞
盧遮那如來寶月如來寶日如來等於彼廣
大信樂尊重復應起想是此如來深生尊重

乃至自然現前得見於一切處當審觀察如是思惟往空閑處心正憶念隨近攝持極一臂量專注憶念無令忘失若有忘失應更往觀如是觀時起尊重心住現佛想不應於彼作形像想如是自然面見諸佛應於彼所以香塗香末香燒香華鬘右遶如是等種種供具而為供養由一切心如攝持佛薄伽梵自然現前能見一切能聞一切一切心等能了達故數數決定而取於相復往空閑心念不失若有福德者於三七日中精勤修習速疾現前能見諸佛有於先世所作罪業如是之人不能得見若有希求應起精進勇猛修

行決定觀察何以故由於一境令心調伏勉
勵專精菩提資糧無不成辦若多惰沉懈怠
放逸自然如是不能解脫何況解脫一切衆
生所有苦惱此如大地真爲重擔若如是者
於菩提直道亦不能作精勤修習譬如有人
於大海中飲一掬水即爲已飲瞻部洲中所
有河水如是如是若修習菩提海一切三摩
地諸忍諸地諸陀羅尼皆已修習是故常應
精勤勇猛遠離放逸如是思惟自然現前能
見諸佛若已得見即應如是思惟此所見者
爲是如來爲形像耶若覺悟此如來現前即
於佛所長跪合掌應當憶念如先所說諸佛

威德由大威德及大悲故今於我所現前來也若能發問即應請言惟願世尊爲我演說不思議佛之境界大二摩地法而於其中勿生疑惑設有所說作決定心若得聽聞即於是處圓滿成就或先業障不能申請即應如是種種觀察一切諸法如夢如擊如幻如陽焰如鏡像如是諸佛猶如虛空平等自性非幻非夢然一切法如幻如夢應當了知由智慧悲佛世尊現今應爲我放大悲光令我苦惱悉皆銷滅復應如是思惟觀察微妙空性亦時世尊從眉間白毫相放大光明光名青焰照觸其頂所有苦惱皆悉消滅即於是處

得法名鞞盧遮那忍種種三摩地皆能覺悟
於第七日夜佛薄伽梵夢中現前爲授阿耨
多羅三藐三菩提記若如是知此是形像即
應思惟一切如來及一切衆生如見形像無
實可得如是如是一切如來如幻如化如夢
如陽焰自然如是面見如來如夢所見皆非
實有如是如是一切如來非生即生非滅即
滅異於諸行法性甚深非說能說非去而去
非來而來非識所識非我想非命者想非有
情想非養育者想非補特伽想非食者想非
蘊非不蘊有似蘊相十八界十二處畢竟惣
無亦非異彼以一切佛一切諸法平等平等

皆同一理如陽焰等一切衆生及諸如來一
切佛土皆不離想如是想現識緣於色自性
如是終無有生如來識滅是故異色觀察應
知若一切法不離於想即諸如來毛端分量
亦無差別猶如虛空平等平等若我分別佛
即現前若無分別都無所見想能作佛離想
無有如是三界一切諸法皆不離心若能了
知一切諸佛及一切法惣唯心量得隨順忍
或證歡喜地捨身他世速疾生於妙喜世界
或生極樂淨佛土中常見如來親承供養於
是德藏菩薩摩訶薩白普賢菩薩摩訶薩言
佛子若有衆生聞此法門受持讀誦書寫廣
說得幾所福時普賢菩薩告德藏言善男子
帝德此所生福量譬如有入攝取三界一切

說得幾所福時普賢菩薩告德藏言善男子
諦聽此所生福量譬言如有人攝取三界一切
衆生今解脫生死得阿羅漢果復於彼所起
淨意樂無熱惱心經於百劫以衣服飲食卧
具湯藥種種供具而為供養彼涅槃已起七
寶塔恭敬供養其福甚多若有衆生聞此法
門生信尊重亦不毀謗復經百劫淨修梵行
百劫修忍百劫精勤百劫修靜慮所生福聚
無有限量若復有人聞此法門生信尊重能
正受持速得成佛福過於彼尔時十方一切
佛土中佛薄伽梵皆現其身讚普賢菩薩言
善哉善哉佛子如是如是如汝所說於是釋

界雨衆妙華如是音樂不鼓自鳴出微妙音
令心悅豫是時大地微細搖動從光明中演
出無量妙伽他曰

若聞此法心清淨

獲諸地定陀羅尼

及忍自在妙神通

速證無上菩提果

當來能轉於法輪

還如過去大仙人

一刹那中納多劫

於一極微現衆刹

無量衆生溺三界

其中放逸受諸苦

惡見繫縛失正道

念念度脫無空過

普賢菩薩說此法門時十俱胝天人所有苦

惱皆得解脫於阿耨多羅三藐三菩提得不

退轉普賢菩薩。訶薩於此法門已善通達。
現前證得說此經已時。德藏菩薩摩訶薩及
諸菩薩天人健達婆阿素羅等一切世間聞
佛所說皆大歡喜信受奉行。

一、廣佛華嚴經不思議佛境界分

伏

猪飼長房寄附

